



Na osnovu člana 56. i 68. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“ broj: 35/05), a u vezi sa članom 63. stav (3) Zakona o osnovnom i općem srednjem odgoju i obrazovanju („Službeni glasnik Unsko-sanskog kantona“ broj: 5/04, 7/10, 11/15, 12/19 i 15/20), člana 44. Zakona o srednjem obrazovanju (Službeni glasnik Unsko-sanskog kantona broj: 17/12, 12/19 i 15/20), Preporuke Zavoda za javno zdravstvo Unsko-sanskog kantona broj: 2056/21 od 01. 09. 2021. godine i Zaključka Vlade Unsko-sanskog kantona broj: 03-017-3461/2021 od 02. 09. 2021. godine, ministar Ministarstva obrazovanja, nauke, kulture i sporta, d o n o s i

INSTRUKCIJU

o organizaciji odgojno-obrazovnog rada u osnovnim i srednjim školama na području Unsko-sanskog kantona za školsku 2021/22. godinu

I - OSNOVNE ODREDBE

Član 1.

Ovom Instrukcijom se utvrđuju bliža pravila za provođenje odredbi Zakona o osnovnom i općem srednjem odgoju i obrazovanju („Službeni glasnik Unsko-sanskog kantona“ broj:5/04, 7/10, 11/15, 12/19, 15/20) i Zakona o srednjem obrazovanju („Službeni glasnik Unsko-sanskog kantona broj: 17/12, 12/19, 15/20) koje se odnose na odvijanje nastave u skladu sa Preporukom Zavoda za javno zdravstvo Unsko-sanskog kantona broj: 2056/21 od 01. 09. 2021. godine.

II – POSEBNE ODREDBE

Član 2.

Školska godina u svim osnovnim i srednjim školama počinje od 06. 09. 2021. godine. Organizaciju i početak nastave utvrđuje direktor škole uz obavezno poštivanje higijensko-epidemioloških mjera.

Član 3.

Prijem učenika prvog razreda osnovne i srednje škole neophodno je organizirati u dvorištima, holovima škole ili ako uslovi u školi dozvoljavaju u odjeljenjima sa posebnim vremenskim terminima za prijem svakog odjeljenja.

Član 4.

- (1) U osnovnim i srednjim školama čas traje 45 minuta.
- (2) Mali odmor traje 5 minuta, a veliki odmor od 15-20 minuta.



- (3) Preporučuje se da učenici osnovnih i srednjih škola veliki odmor provode van školskog objekta uz prisustvo dežurnih nastavnika i vodeći računa o poštivanju higijensko-epidemioloških mjera.

Član 5.

- (1) Vannastavne aktivnosti moguće je organizirati u online okruženju u aktivnoj interakciji nastavnika sa učenicom ili u školi ili van objekta škole pod istim higijensko-epidemiološkim uslovima kao za redovan nastavni proces.
- (2) Dodatna, dopunska i vanredna nastava organizira se u školi pod istim higijensko-epidemiološkim uslovima kao za redovan nastavni proces.

Član 6.

Praktična nastava za učenike srednjih škola odvijace se u školskim radionicama i kod poslodavca pod istim higijensko-epidemiološkim uvjetima kao i opće-obrazovna nastava. Organizaciju i izvođenje praktične nastave utvrđuje direktor škole uz obavezno poštivanje higijensko-epidemioloških mjera.

Član 7.

- (1) Nastava za tjelesni i zdravstveni odgoj realizira se u sali. Kad god je moguće nastava iz ovog predmeta treba da se održava za sve učenike osnovne i srednje škole na otvorenom.
- (2) U svlačionicama i za vrijeme izvođenja nastave tjelesnog odgoja obavezno je poštivanje higijensko-epidemioloških mjera. Učenici za vrijeme trajanja časa tjelesnog odgoja ne nose masku.

Član 8.

Školske biblioteke stoje na raspolaganju svim učenicima uz strogo pridržavanje higijensko-epidemioloških mjera uz preporuku da se u prostorijama biblioteke ne zadržavaju.

Član 9.

- (1) Organizacija produženog boravka u osnovnim školama se ne preporučuje.
- (2) Ukoliko se osnovna škola koja ima odobrenu ovu vrstu djelatnosti odluči da organizira produženi boravak pridržavajući se preporuke nadležnog Zavoda za javno zdravstvo, onda isti treba da bude organiziran u stalnim grupama do 10 đaka, na način da svaka grupa boravi u odvojenoj prostoriji, te se mora onemogućiti miješanje između grupa.



Član 10.

Za vrijeme trajanja nastave uz nastavnika sa učenicima u učionici može biti prisutan i pomoćnik u nastavi/asistent i članovi mobilnog stručnog tima CRIP-a uz poštivanje važećih higijensko-epidemioloških mjera.

Član 11.

- (1) Učenici sa hroničnim oboljenjima i učenici koji u zajedničkom domaćinstvu imaju osobe sa hroničnim oboljenjima, stare i iznemogle osobe i druge osobe iz rizičnih skupina nisu u obavezi pohađati redovnu nastavu u školi. Da bi iskoristili navedenu mogućnost, isti su dužni dostaviti potrebnu medicinsku dokumentaciju.
- (2) Potrebno je planirati modele održavanja nastave za učenike koji moraju biti u samoizolaciji kao i za učenike koji spadaju u ugrožene skupine (hronične bolesti).
- (3) Potrebno je planirati programe mentalne podrške i voditi računa o mentalnom zdravlju osoblja i učenika.
- (4) Roditelji/staratelji učenika, koji uslijed navedenih okolnosti ne budu pohađali redovnu nastavu u školi, podnijet će pismeni zahtjev školi za dostavljanje nastavnih materijala elektronskim putem sa uputama za samostalno učenje.

Član 12.

- (1) Obzirom na trenutnu epidemiološku situaciju, nastava može krenuti u punom kapacitetu po Nastavnom planu i programu a odvijanje svih nastavnih i radnih procesa u školama mora se provoditi u skladu sa važećim higijensko-epidemiološkim mjerama. Navedene preporuke se odnose na adekvatno redovno provjetranje učionica, socijalnu distancu, nošenje lične zaštitne opreme-maske, metode dezinfekcije prostora u kojima se obavlja nastavni i radni proces i pojačano sprovođenje higijenskih mjera – pranje i dezinfekcija ruku.
- (2) Obavezno je nošenje zaštitne maske za učenike starije od 11 godina, nastavno i drugo osoblje zaposleno u školama kao i posjetioce za vrijeme trajanja nastave i boravka u zatvorenom prostoru.
- (3) Potrebno je obezbijediti održavanje adekvatne fizičke distance u skladu sa preporukama.
- (4) Preporučuje se da roditelji i nastavnici vode dnevnu evidenciju o tjelesnoj temperaturi učenika prilikom boravka kod kuće i dolaska u školu, te eventualnoj pojavi simptoma. Preporučuje se da školsko osoblje mjeri temperaturu prilikom ulaska u školu učenika, nastavnika, roditelja i posjetitelja.



III-ZAVRŠNE ODREDBE

Član 13.

Stupanjem na snagu ove Instrukcije stavlja se van snage Instrukcija o organizaciji odgojno-obrazovnog rada u osnovnim i srednjim školama na području Unsko-sanskog kantona za školsku 2020/21. godinu broj: 10-34-10876-1/20 od 31.08. 2020. godine, dopuna Instrukcije broj: 10-34-10876-3/20 od 09. 11. 2020. godine i dopuna Instrukcije broj: 10-34-10876-4/20 od 18. 02. 2021. godine

Član 14.

Ova Instrukcija stupa na snagu danom donošenja i objavit će se u „Službenom glasniku Unsko-sanskog kantona.“

Broj: 10-34-10876- /20
Datum: 03.09.2021. godine



MINISTAR

Almin Hopovac, prof.